



UNIVERSITÄTS-
BIBLIOTHEK
PADERBORN

Universitätsbibliothek Paderborn

Praxis Cvræ Pastoralis Præcipve Circa Repentina & Generaliora

Possevino, Giovanni Battista Bernardino

Coloniæ Agrippinæ, 1645

Capvt VII. De Casibus reseruatis, deq[ue] Confessione eorum, qui in
euidenti mortis periculo & articulo versantur.

urn:nbn:de:hbz:466:1-42220

CAPVT VII.

*De Casibus reſeruatis, deq; Confessione eorum
qui in euidenti mortis periculo & arti-
culo verſantur.*

Porro casus Pontifici summo reſeruati satis multi sunt; at horum plerique sunt huiusmodi, vt trans montes, & Alpes nisi quam rarissimè, aut ferè nunquam, adueniant; qui autem hic contingere & habere locum possunt, non adeò multi sunt. Sunt enim tantum quinque, præter eos qui in Bulla cœnæ Domini continentur.

Primus est, Ecclesiasticum & Clericum è malitia ac voluntariè occidere, aut grauius etiam percutere. Dixi, *grauius*: nam cum læsio aut percussio leuis est, & iniuria non tanti momenti, ab Episcopo percutiens poterit absolui, nisi percussio, tametsi in se leuis, valdè scandalosa fuerit, quando v. g. percussus est Sacerdos celebrans, aut in loco & conuentu hominum honorabili, frequenti, & admodum conspicuo.

Secundus est, simonia & condescensio realis.

Tertius peccatum duelli, quo tenentur tam ad ipsum prouocantes, inuitantes, quam ipsi duellantes & certantes.

Quartus, clauſtri monasteriorum Religiosarum reclusarum effractio & violatio, quando mala intentione & sine hæc violatio fit.

Quintus, violatio immunitatum Ecclesiæ, qui casus quintus cum ad discernendum & distinguendum difficilis sit, & non sæpius contingat, & non nisi per actiones publicas, vix in confessione pri-

ne priuata deciditur, quin prius extra illam ab Episcopis eorumve Vicarijs sit decifus.

Casus Bullæ Cœnæ Domini, qui trans Alpes habere locum possunt, sunt etiam paucissimi.

Primus est hæresis, schisma, librorum hæreticorum lectio, Bullarum & litterarum Apostolicarum falsatio.

Secundus, libertatum, immunitatum & priuilegiolorum Ecclesiæ, bonorum & hominum Ecclesiasticorum, & Clericorum, quæ voluntariè fit, violatio; bonorum Ecclesiasticorum, in quantum talia sunt, iniqua vsurpatio.

Casus, quos nobis priuatim reseruauimus, sunt item numero pauci.

Primò, quod ad primum Decalogi præceptum spectat, reseruauimus nobis magiam, veneficia, incantationes, ligularum (vt vocant) constrictiones, quæ ad matrimonij effectum impediendum fieri solent.

Secundò, quod ad quartum, reseruauimus nobis parricidium, quod fit, dum aut pater, aut mater, aut socer, aut socrus occiditur aut percutitur.

Tertiò, quod ad quintum, reseruauimus nobis homicidium voluntariè & deliberatè commissum.

Quartò, quod ad sextum, reseruauimus nobis bestialitatem, Sodomiam, incestum in primo & secundo gradu, sacrilegium quod cum Monialibus & Religiosis Virginibus rem habendo committitur, filiarum ac feminarum raptum & violationem.

Quintò, & quantum ad septimum præceptum spectat

spectat, reseruauimus nobis voluntariam domum alienarum incensionem, ac rerum sacrarum direptionem, expilationem ac furtum.

Porro in casibus reseruatis, duas vos regulas obseruare oportet.

Prima est, pœnitentes qui eosdem commiserint, consolari, nec illos ad desperationem adigere. Sed modeste ad eos quibus potestatem à reseruatis absoluendi dedimus, quales per omnes diœceseos partes & loca satis frequentes constituimus, remittere. nam tamen à Casibus Papæ Romano reseruatis absoluere hi nequeant, semper tamen modum & rationem ipsis suggerent, qua absolutionem ab iisdem consequi valeant.

Secunda est, in casu extremæ necessitatis, & articulo mortis, omnes & quilibet Sacerdotes, esto ad audiendas confessiones admissi non sint, cuiuscumque demum generis aut qualitatis sint, ab omnibus omninò peccatis, qualiacunque ea sint absoluere & possunt, & debent. Imò qui in sua ægritudine Confessarium euocari iussit, si dein paulò post lequendi facultate priuetur, nullum doloris aut cōtritionis dare signum potest; ob simplex hoc confitendi desiderium quod habuit, absoluendus est. Imò, quod amplius est, absolutione item donandus is est, qui tamen Sacerdotem euocari non iusserit, eum tamen aut videns, aut audiens, aliquod quo se absolutionem obtinere velle ostendat, indicium signumve dat.

CAPVT